

INSTRUCCIÓN TRAMITACIÓN XUSTIFICACIÓN SUBVENCIONS:

Recoméndase ler detidamente a información contida nas bases da convocatoria ao obxecto de dar cumprimento ás obrigas establecidas nelas tanto no que atinxe á execución dos proxectos como o relacionado coa xustificación das subvencións.

Tal e como establece a cláusula 16ª da convocatoria de subvencións a entidades deportivas sen ánimo de lucro pola súa actividade na tempada deportiva 2022/2023:

1.- **PRAZO:** As beneficiarias das subvencións teñen de prazo **ata o 6 de novembro de 2023 (Incluído)** para dar cumprimento das finalidades para as que se concedeu a subvención e a aplicación dos fondos recibidos.

2.- **DOCUMENTACIÓN:** Ao efecto de xustifica-la subvención os beneficiarios deberán achegar electronicamente **a través da sede electrónica do Concello de Vigo**, por calquera dos mecanismos de identificación admitidos na sede electrónica:

- a) **Anexo II.1.** Relación de facturas presentadas como xustificación polo importe subvencionado.
 - Deberanse cumprimentar todos os campos e ser asinado polo/a secretario/a e o/a presidente/a.
- b) **Anexo II.2.** Declaración responsable
 - Deberanse cumprimentar todos os campos e ser asinado polo/a secretario/a e o/a presidente/a.
 - Debe cumprimentarse obrigatoriamente **o punto 3**, cuxo importe deberá coincidir co importe total de gastos do anexo II.3).
- c) **Anexo II.3.** *Balance de ingresos e gastos.*
 - Deberanse cumprimentar todos os campos e ser asinado polo/a secretario/a e o/a presidente/a.
 - Deben cumprimentarse obrigatoriamente os totais de ingresos e gastos ser asinado polo/a secretario/a e o/a presidente/a.
- d) **Memoria de actuación xustificativa do cumprimento dos proxectos e actividades subvencionadas.** cuns contidos mínimos no aspecto deportivo (Incluíranse os datos referentes ás competicións nas que participaron os equipos ou deportistas vinculados á entidade, os equipos ou deportistas que a integran, os resultados, o ámbito e o nivel acadado nas competicións, material gráfico,...).
 - Debe permitir comprobar ó servizo de deportes o cumprimento do proxecto subvencionado.
 - Aquelas entidades que solicitaron ademais unha subvención pola organización dun evento deberán presentar tamén a memoria do evento celebrado.
- e) **Xustificantes acreditativos dos gastos** vinculados ó proxecto subvencionado polo importe subvencionado, en relación co apartado ou apartados para o cal está destinada a axuda coas seguintes especificidades:
 - A xustificación deberá facerse con documentos orixinais pola parte subvencionada e con copias de facturas polo resto do Orzamento. Se poderá substituír a presentación de copias de facturas polo gasto do proxecto ou actividade non subvencionada pola presentación dun balance que abarque a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo total foi de euros. As facturas deberán recoller o número de CIF, a data, o número de factura e o IVE. Estes xustificantes quedarán a disposición do Concello de Vigo. Non se admitirán facturas que non reúnan as condicións previstas no do RD 1.619/2012, de 30 de novembro polo que se aproba o regulamento polo que se regulan as obrigas de facturación.



- As facturas presentaranse no mesmo orden detallado no anexo I.1 para facilitar a súa revisión.
 - A **data das facturas** e demais documentos admitidos segundo as bases debe corresponder á tempada 2022/2023, ou á tempada 2023 en modalidades de duración anual. A duración da tempada de cada modalidade será o que conste no anexo presentado no seu momento xunto coa solicitude validado por cada federación deportiva.
 - **Importe xustificativo:** Terase en conta como importe xustificativo a Base Imponíble do importe das facturas e demais documentos de valor probatorio equivalente que se presenten como xustificación, excepto que se acredite debidamente mediante certificado da axencia Tributaria que a entidade está exenta de IVE, ou que se declare no anexo II.2 no seu momento que o importe do IVE derivado dos gastos da axuda a xustificar en relación á subvención concedida polo Concellería de Deportes do Concello de Vigo en relación ó desenvolvemento do proxecto é asumido pola entidade beneficiaria ao non poder deducilo.
 - Nos documentos xustificativos dos gastos incorridos non será necesario que conste de forma expresa si os mesmos foron pagados con anterioridade ao proceso de xustificación.
 - Atendendo á especificidade da actividade deportiva, aqueles gastos relacionados con arbitaxes, taxas oficiais das federacións deportivas, e outros conceptos análogos poderán ser xustificados a través de documentos orixinais (certificados de ingreso nas federacións, documentos de pago de arbitaxes, documentos de pago de premios deportivos, gastos de desprazamento de xogadores, técnicos, etc.) emitidos polas Federacións ou pola propia entidade deportiva que recolla adecuadamente, os datos fiscais das partes, as aportacións económicas, as retencións obrigatorias de ser o caso, e demais datos que xustifiquen o valor probativo do gasto en base á eficacia administrativa do mesmo.
 - **Instalacións Deportivas:** O Concello comprobará de oficio o gasto efectivo realizado polas das entidades beneficiarias en concepto de usos de instalacións deportivas municipais durante o ano 2022, e incorporará o dato correspondente á valoración da solicitude.
 - As entidades que queiran presentar o **gasto por uso de instalacións deportivas municipais** como parte da xustificación, deberán solicitar o certificado na oficina administrativa das travesas.
 - Nas subvencións concedidas a entidades dependente ou vinculadas á Universidade, a xustificación poderá consistir na certificación da intervención ou órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.
- f) Calquera outra documentación que lle sexa solicitada polo Concello, en relación coa xustificación da subvención.

A Concellería de deportes.